

Қазақстан Республикасы Парламенті депутаттарының сайлауындағы шет мемлекеттер мен халықаралық ұйымдар, қоғамдық бірлестіктер байқаушыларының, депутаттыққа кандидаттардың сенім білдірген адамдарының, сондай-ақ бұқаралық ақпарат құралдары өкілдерінің өкілдіктері туралы

Күшін жойған

Қазақстан Республикасы Орталық сайлау комиссиясы 1995 жылғы 8 қарашадағы N 16 Қазақстан Республикасының Әділет министрлігінде 1997 жылғы 7 мамыр N 301 тіркелді. Күші жойылды - ҚР Орталық сайлау комиссиясының 2004 жылғы 7 шілдедегі N 110/134 қаулысымен.

Қазақстан Республикасы Президентінің "Қазақстан Республикасындағы сайлау туралы" конституциялық заң күші бар Жарлығының 40, 42-баптарына сәйкес Қазақстан Республикасының Орталық сайлау комиссиясы қаулы етеді:

1. Қазақстан Республикасы Парламенті депутаттарының сайлауындағы шет мемлекеттер мен халықаралық ұйымдардың байқаушылары туралы Ереже бекітілсін (N 1 қосымша).

2. Қазақстан Республикасы Парламенті депутаттарының сайлауындағы қоғамдық бірлестіктер байқаушыларының, депутаттыққа кандидаттардың сенім білдірген адамдарының, сондай-ақ бұқаралық ақпарат құралдары өкілдерінің өкілеттіктері туралы Ереже бекітілсін (N 2 қосымша).

3. Сайлау комиссиялары шет мемлекеттер мен халықаралық ұйымдардың, қоғамдық бірлестіктердің байқаушыларымен, депутаттыққа кандидаттардың сенім білдірген адамдарымен, сондай-ақ бұқаралық ақпарат құралдарының өкілдерімен жұмыста осы Ережелерді басшылыққа алатын болсын.

Комиссиясы төрағасы

Комиссия хатшысы

N 1 Қосымша

Қазақстан Республикасы Парламенті депутаттары сайлауындағы шет мемлекеттер мен халықаралық ұйымдар байқаушылары туралы

ЕРЕЖЕ

I. Шет мемлекеттер мен халықаралық ұйымдар байқаушыларын тіркеу тәртібі

1. Байқаушылар Қазақстан Республикасының Орталық сайлау комиссиясы ж а н ы н д а ті р к е л е д і .

2. Қазақстан Республикасының Орталық сайлау комиссиясы Қазақстан

Республикасы Сыртқы істер министрлігінің ұсынысы бойынша өз мәжілісінде тиісті шет мемлекеттер мен халықаралық ұйымдар байқаушыларын тіркеу туралы шешім қабылдайды.

ЕСКЕРТУ. 2-тармақтың 2 абзацы алынып тасталды - ҚР Орталық сайлау комиссиясының 1997.08.18. N 15/93 қаулысымен.

3. Байқаушылардың өкілеттік мерзімін Қазақстан Республикасының Орталық сайлау комиссиясы белгілейді.

4. Қазақстан Республикасының Орталық сайлау комиссиясы байқаушыларға белгіленген үлгідегі куәліктер береді.

II. Шет мемлекеттер мен халықаралық ұйымдар байқаушыларының өкілеттіктері

1. Байқаушылар:

- әрбір учаскедегі, пункттегі дауыс беруге арналған учаскелер мен пункттердің ашылуына қатысуға;
- сайлау күні сайлау учаскесінде, дауыс беруге арналған пунктте болуға;
- сайлау күні сайлау комиссиясының мәжілістеріне қатысуға;
- дауыс санау барысын, сондай-ақ сайлау учаскесіндегі, пунктіндегі дауыс беру нәтижелерін анықтауды қадағалауға құқықты.

III. Шет мемлекеттер мен халықаралық ұйымдар байқаушылары қызметін қамтамасыз ету

1. Байқаушылар Қазақстан Республикасы аумағында жүрген кезінде Қазақстан Республикасының мемлекеттік қамқорлығында (қорғалуында) болады.

2. Байқаушылар қызметін материалдық-қаржылық қамтамасыз ету байқаушылар жіберген тараптардың қаражаты есебінен жүргізіледі.

3. Байқаушылардың өз міндеттерін орындауы кезеңінде тиісті сайлау комиссиялары мен Қазақстан Республикасының Сыртқы істер министрлігі оларға қажетті көмек көрсетіп отырады.

IV. Шет мемлекеттер мен халықаралық ұйымдар байқаушыларының жауапкершілігі

1. Қазақстан Республикасы Президентінің "Қазақстан Республикасындағы сайлау туралы" конституциялық заң күші бар Жарлығының 40, 42-баптарына сәйкес байқаушылардың сайлау комиссияларының жұмысына араласуына жол берілмейді.

2. Байқаушылар Қазақстан Республикасы заңдарын немесе халықаралық құқықтың жалпы жұрт таныған қалыптарын бұзған жағдайда Қазақстан Республикасының Орталық сайлау комиссиясы оларды тіркеуді қайтарып алуға құқылы.

ХАТШЫСЫ

№ 2 қосымша

**Қазақстан Республикасы Парламенті депутаттарының
сайлауындағы қоғамдық бірлестіктер байқаушыларының,
депутаттыққа кандидаттардың сенім білдірген
адамдарының, сондай-ақ бұқаралық ақпарат құралдары
өкілдерінің өкілеттіктері туралы**

ЕРЕЖЕ

I. Қоғамдық бірлестіктер байқаушыларын тіркеу тәртібі

1. Қоғамдық бірлестіктер байқаушылары қоғамдық бірлестіктердің республикалық және аумақтық бірлестіктерінің ұсынуы бойынша аумақтық және округтік сайлау комиссиялары жанында тіркеледі.

2. Қоғамдық бірлестіктер байқаушыларын тіркеу туралы шешім тиісті аумақтық және округтік комиссияларының мәжілісінде қабылданады.

ЕСКЕРТУ. 2-тармақтың 2 абзацы алынып тасталды - ҚР Орталық сайлау комиссиясының 1997.08.18. № 15/93 қаулысымен .

3. Байқаушылардың өкілеттік мерзімін тиісті сайлау комиссиясы белгілейді.

4. Тиісті сайлау комиссиялары қоғамдық бірлестіктер өкілдеріне белгіленген үлгідегі куәліктер береді.

5. Әрбір сайлау учаскесінде, дауыс беруге арналған пунктте қоғамдық бірлестіктердің әрқайсысынан бір-бірден ғана байқаушы қатыса алады.

**II. Парламент депутаттарының сайлауындағы қоғамдық
бірлестіктер байқаушыларының және депутаттыққа
кандидаттардың сенім білдірген адамдарының
өкілеттіктері**

1. Қоғамдық бірлестіктер байқаушыларының және депутаттыққа кандидаттардың сенім білдірген адамдары:

- дауыс беруге арналған учаскелер мен пункттерді ашқан кезде әр учаскеде,
п у н к т т е қ а т ы с у ғ а ;

- сайлау күні сайлау учаскесінде, дауыс беруге арналған пунктте болуға;

- сайлау күні сайлау комиссияларының мәжілістеріне қатысуға;

- сайлау учаскесіндегі, пунктіндегі дауыстарды санау барысын, сондай-ақ дауыс беру нәтижелерін анықтауды байқауға хақылы.

2. Қоғамдық бірлестіктер байқаушыларының және депутаттыққа кандидаттардың сенім білдірген адамдарының сайлау комиссияларының жұмысына араласуына жол берілмейді.

III. Қоғамдық бірлестіктер байқаушыларының және депутаттыққа кандидаттардың сенім білдірген адамдарының жауапкершілігі

Тиісті сайлау комиссиялары қоғамдық бірлестіктердің байқаушылары Қазақстан Республикасының заңдарын бұзған жағдайда тіркеуді қайтарып алуға хақылы.

IV. Сайлауға дайындық барысы мен оның қорытындыларын жариялайтын бұқаралық ақпарат құралдарының өкілдері туралы

Бұқаралық ақпарат құралдарының өкілдеріне куәлігі және редакцияның тапсырмасы болған жағдайда сайлауды өткізуге байланысты шараларға қатысуға кепілдік беріледі.

Қ а з а қ с т а н Р е с п у б л и к а с ы
О р т а л ы қ с а й л а у к о м и с с и я с ы н ы ң
х а т ш ы с ы